

դրությունն ավտոմատացման միջոցառումները և այլն:

Պետլիտի և օբսերվանթի զծով տարվող գիտահետազոտական աշխատանքում հիմնական համարել հետևյալ ուղղությունները՝ պետլիտի և օբսերվանթի տուչելու պրոցեսների հետազոտությունը, տարբեր հանքավայրերի հումքի ուսումնասիրությունը, տարբեր տիպի ագրեգատների աշխատանքի ռեժիմի հետազոտությունը, ուռած պետլիտից ջերմամեկուսիչ շինվածքների և թեթև բետոնների արտադրության տեխնոլոգիայի մշակումը և այլն:

1959—1960 թթ. պլանի մեջ անհրաժեշտ է մտցնել կոմպլեքսային թեմա՝ ագլոմերացիոն ցանցերում եռակալման և ուռչելու պրոցեսների ֆիզիկա-քիմիական էությունն ուսումնասիրելու գծով:

Խարամային պեմզայի գծով գիտահետազոտական կազմակերպությունների ուշադրությունն անհրաժեշտ է դարձնել 1959—1960 թթ. մշակելու թարմ ուռած խարամի տերմիկական մշակման կառավարելի եղանակը, խարամային հալվածքների գազայնության արագ որոշման եղանակը, ուռչելու պրոցեսների տեսական հիմնավորումները և այլն:

Ագլոպորիտի արտադրությունը կատարելագործելու համար, 1959—1962 թթ. անհրաժեշտ է ապահովել՝ կալալին ապառներից և ածուխ պարունակող մնացուկներից ստացվող խառը բովախառնուրդի ընտրության եղանակի մշակումը, արտադրության ռացիոնալ մեթոդների մշակումը և ագլոպորիտով թեթև բետոնների հատկությունների

ճշտումը, հումքի ընտրության և ագլոպորիտի որակի գնահատման նորմատիվ փաստաթղթերի նախագծերի ճշտումը և այլն:

Խորհրդակցությունն անհրաժեշտ գտավ հարց հարուցել համապատասխան օրգանների առաջ՝ շինարարական նյութերի և կառուցվածքների Հայկական գիտահետազոտական ինստիտուտի ընդլայնման անհրաժեշտության մասին, նպատակ ունենալով ավելի լայն ուսումնասիրել քարե որմնանյութերի, թեթև բնական նյութերի կիրառման հետ կապված հարցերը, ինչպես նաև նրանց հիման վրա՝ թեթև բետոնների լայն կիրառումը:

Խնդրել ՍՍՌՄ Պետշինին և ՍՍՌՄ Շինարարության և ճարտարապետության ակադեմիային՝ շինարարական ֆիզիկայի և շրջափակող կոնստրուկցիաների գիտահետազոտական ինստիտուտի գլխավոր կարևորագույն գիտահետազոտական աշխատանքների պլանի մեջ մտցնել ուռած հանքային բնական նյութերի թեթև բետոններից պատրաստված շրջափակող կոնստրուկցիաների մշակումն ու ուսումնասիրությունը:

Գիտահետազոտական աշխատանքի կազմակերպման գծով անհրաժեշտ համարել զարգացնելու գիտահետազոտական ինստիտուտների, գործարանների, գործարանային գիտահետազոտական լաբորատորիաների և կառույցների աշխատողների ստեղծարար համագործակցությունը:

Նախագծման հարցերի գծով խնդրել ՍՍՌՄ Պետշինին՝ ընդարձակել այն ինստիտուտների թիվը, որոնք զբաղվում են արհեստական թեթև լցանյութերի գործարանների նախագծմամբ:

ՄՈՍԿՎԱՅԻՄ ԱՎՏՈՄԱՏԻԿ ԿԱՌԱՎԱՐՄԱՆ ԳԾՈՎ ԱՌԱՋԻՆ ՄԻՋԱԶԳԱՅԻՆ ԿՈՆԳՐԵՍ ԱՆՑԿԱՑՆԵԼՈՒ ՄԱՍԻՆ

ՍՍՌՄ Գիտությունների ակադեմիային կից կազմակերպվել է Սովետական Միության Ազգային կոմիտե ավտոմատիկ կառավարման գծով:

Ավտոմատիկ կառավարման գծով միջազգային ֆեդերացիան (ԻՖԱԿ) ավտոմատիկ կառավարման գծով Սովետական Միության Ազգային կոմիտեին հանձնարարել է կազմակերպել ու անցկացնել Առաջին միջազգային կոնգրեսը, որը կհայանա

Մոսկվայում, 1960 թ. հունիսի 25-ից մինչև հուլիսի 5-ը:

Կոնգրեսի գիտական ծրագիրը

Կոնգրեսում աշխարհի շատ երկրներից կլսվեն ու կքննարկվեն ղեկուցումներ, որոնք կընդգրկեն տեսական և կիրառական հարցեր ավտոմատիկ կարգավորման ու կառավարման, ավտոմատիկայի

ու տեխնիկական տեխնիկական միջոցների (ներառյալ հաշվիչ սարքերը) բնագավառից, ավտոմատիկ կարգավորման ու կառավարման արդյունաբերական կիրառությունը (ներառյալ հաշվիչ սարքերի կիրառությունը) տեխնիկայի զանազան ճյուղերի նկատմամբ:

Սովետական Միության Ազգային կոմիտեին կից կազմակերպվել են հետևյալ գիտա-տեխնիկական կոմիտեները, որոնց հանձնարարվել է Սովետական Միությունից կոնգրեսի համար գիտա-տեխնիկական զեկուցումների նախապատրաստումն ու ընտրությունը:

1. Ավտոմատիկ կարգավորման և կառավարման տեսության ԳՏԿ.

2. Ավտոմատիկայի և տեխնիկական տեխնիկական միջոցների ԳՏԿ.

3. Ավտոմատացված էլեկտրահաղորդակի և էլեկտրական մեքենաների կիրառության ԳՏԿ.

4. Մետալուրգիական, քիմիական, էներգետիկ և արդյունաբերության մյուս ճյուղերի անընդհատ արտադրական պրոցեսների ավտոմատացման ԳՏԿ.

5. Մեքենաշինության մեջ արտադրական պրոցեսների ավտոմատացման ԳՏԿ.

6. Տերմինաբանական ԳՏԿ:

Կոնգրեսը պետք է ընթանա հետևյալ նշանաբանով. «Տեսությանը գործնական կիրառելիություն, տեխնիկական միջոցներին՝ առավելագույն հուսալիություն, արտադրության ավտոմատացմանը՝ բարձր էֆեկտիվություն»:

Զեկուցումների ներկայացման կարգը

Կոնգրեսի համար զեկուցումները ներկայացվում են ավտոմատիկ կառավարման գծով Սովետական Միության Ազգային կոմիտեի միջոցով, հետևյալ հասցեով՝ Москва, И-53, Каланчевская ул. 15—а.

Կոնգրեսի համար նյութերը պետք է ուղարկել Ազգային կոմիտե, հետևյալ մակագրով՝

«Ավտոմատիկայի գծով կոնգրեսի համար»:

Բոլորը, որոնք ցանկանում են Հայաստանից կոնգրեսին զեկուցումներ ներկայացնել, պետք է մինչև 1959 թ. փետրվարի 1-ը ավտոմատիկ կառավարման գծով Սովետական Միության Ազգային կոմիտեի Երևանի տերիտորիալ խմբի հասցեով (Երևան, փոստարկղ № 31) ուղարկեն համառոտ անոտացիաներ ուսերեն և անգլերեն լեզուներով (առանց նկարների, մեքենագրված տեքստը 3 էջից ոչ ավելի) վեց օրինակից, ցույց տալով բնակարանի ու աշխատանքային վայրի հասցեները և հեռախոսների № №-ը:

Հավանության արժանացած անոտացիաները մինչև 1959 թ. փետրվարի 15-ը կուղարկվեն ավտոմատիկ կառավարման գծով ՍՍՌՄ Ազգային կոմիտեին:

Զեկուցումների լրիվ տեքստերը վեց օրինակից, 12 մեքենագրված էջից ոչ ավելի ծավալով (2 ինտերվալով), պետք է պարունակեն մակագրեր ունեցող 5 նկարից ոչ ավելի և ներկայացվեն 1959 թ. մայիսի 5-ից ոչ ուշ, ձևավորված լինեն հոդվածների նախապատրաստման կանոնների համաձայն, «Ավտոմատիկա և տեխնիկական ամսագրում հրապարակելու համար»:

Բոլոր հավանության արժանացած զեկուցումները նախօրոք հրապարակվելու են ուսերեն և անգլերեն լեզուներով:

Ազգային կոմիտեն խնդրում է բոլոր հեղինակներին իրենց անոտացիաներն ու զեկուցումները ներկայացնել ոչ միայն ուսերեն, այլև անգլերեն լեզվով:

Ազգային կոմիտեն հեղինակներին կհաղորդի ԻՖՖԱ-ի Գործկոմի որոշումը կոնգրեսի ծրագրի մեջ զեկուցումը մտցնելու մասին:

Կոնգրեսի համար ՍՍՌՄ ղեկավարի կազմելու կարգը կհաղորդվի լրացուցիչ կերպով:

1959 ԹՎԱԿԱՆԻ ՏՆՏԵՍԱԿԱՆ ՊԱՅՄԱՆԱԳՐԵՐԻ ԿՆՔՄԱՆ ՄԻ ՔԱՆԻ ՀԱՐՑԵՐ

Արդյունաբերության ու շինարարության կառավարման վերակառուցումը է՛լ ավելի ակտիվ դարձրեց պայմանագրային կարգապահության

ամրապնդման հարցը, որը երկրի տնտեսական կյանքում շարունակ ունեցել է և ունի շատ մեծ նշանակություն: